

Landesbibliothek Oldenburg

Digitalisierung von Drucken

**Bibliotheca Smithiana, Seu Catalogus Librorum D. Josephi
Smithii Angli Per Cognomina Authorum Dispositus**

Pasquali, Giovanni Battista

Venetiis, 1755

Ante Vitam Caii Marii

urn:nbn:de:gbv:45:1-844

quantam laudem ac pietatem a cunctis reportas, cum eam Te vocem usurpare audiunt: non oportere quemquam a sermone Principis tristem discedere, quo fit, ut sermone sis affabilis, accessu facilis, vultu amabilis. Verum enimvero crudeles, ac probos illorum mores perinde ac speculum idcirco tibi propono, ut bona cum inspexeris, ad ea te conformes, vitia vero fugias, & abomineris: fit enim, ut in alienis personis turpitudinem acriore censura notemus & execremur. Quamobrem Spartanus cum servum in conviviis ebrum deprehenderent, eum accitis filiis demonstrare solitos accepimus, ut ebrietatis ineptias, deformitatem, spurcitasque subtilius in mancipiis intuentes abhorrerent. Non absurde itaque Persius, ut nemo, inquit, in se se tentat descendere nemo, sed precedenti spectatur mantica tergo. Cæterum ne vestra demorer colloquia, a me longior non suscipitur oratio.



ANTE VITAM CAII MARI

Eodem [1] Interprete.

CUM Artaxerxi Persarum Regi aliquando obequitanti agricola quidam obviam factus aquam utraque manu e propinquo flumine haustam obtulisset, cum nihil aliud elargiri posset, Rex subridens jocundo vultu illam suscepit; nam non rem ipsam, sed animum dantis ac voluntatem ut vir nobilissimus metitus est. Putabat enim ea, quæ a benigno promptoque animo susciperet, etsi parva essent, non minus exillimanda fore, quam si præclara atque permagna munera elargirentur. Recte quidem, humaneque, & pro dignitate regia gessit. Nam diu, multumque a gravibus sapientissimisque viris disputatum atque judicatum est, potius hominis animum, quam res ipsas esse metiendum. Quo fit, ut non solum divites atque potentes liberales esse possint, verum etiam tennes; cum de liberalitate cæterisque virtutibus animi pariter dives, pauperque pro voluntate eorum capere possint. Itaque cum incredibilem prudentiam animi tui admirarer, quod non modo jam laudem, verum etiam admirationem consecuta sit, animo institui, ut aliqua in re Dominationi tuæ gratificarer, vitam Marii præstantissimi Viri, cum nihil aliud majus habeam, jocundissimo animo, ut agricola ille, Dominationi tuæ dedicare, ut tibi gloriam, libro autem dignitatem compararem. Nam hujus Viri præstantiam magnopere admirans, animadvertens quam dignum fore ejus gesta in manibus ingenui viri tradenda fore; nesciebam, cui potius hunc tantum virum donarem, quam præclare Dominationi tuæ. Plane in ista ætate tua jam tantum dignitatis & excellentiæ studio, labore, industria, vigilantia jam consequutus es, quantum permulti præstantissimi que viri per longum ævum etiam in ipso cano capite assequi non potuerunt. Quare divina hæc potius, quam huma-

na

[1] De hisce Plutarchi versionibus a Guarino concinnatis ita Jan. Pannonius in Guarini Pannear. pag. 34.

*Inachia vero tibi tanta peritia linguæ,
Ut facer haud alio traduci interprete malit
Plutarchus, chartis nec plus se agnoscat in ul-*
lis.

At longe aliter Cortesius. Dial. de Hom. Doct. pag. 14. Genus dicendi (Guarini) inconcinnum admodum, ac salebrosam; vitur plevumque imprudens verbis poeticis, quod est maxima vitiosum; sed magis est in eo succus quam color laudandus.